

奮迅王問經翻譯之記

殷九

一切菩薩功行普修依德立名字号平等隨所顯發稱謂不同說法問論多依自字故奮迅王問奮迅法

如來爲說四種奮迅其有人能具此奮迅則於一切皆能奮迅

魏尚書令儀同高公今欲以此四種奮迅於一切處普奮迅故置能譯人在宅上面出此四種奮迅法門沙門曇林瞿曇流支興和四年歲次壬戌月建在申朔次乙丑甲午之日啓來創筆凡有一萬八千三百四十一字

奮迅王問經卷上

元魏三藏瞿曇般若流支等譯

如是我聞一時婆伽婆住舍婆提城祇陀樹林然孤獨園與大比丘衆二萬人俱菩薩摩訶薩一萬人一生當得阿耨多羅三藐三菩提彌勒菩薩得太勢菩薩師子意菩薩師子

幢菩薩大幢菩薩等而爲上首尔時衆中有菩薩摩訶薩名奮迅王在大會坐尔時出尊無量百千眷屬圍繞恭敬供養而爲說法謂大乘者之所修行尔時奮迅王菩薩摩訶薩從座而起整服左肩右膝著地合掌向佛頭面禮足白言出尊我於今者欲以少法問於如來應正遍知唯願世尊爲我解說佛告奮迅王菩薩摩訶薩言奮迅王恣沒所問我爲汝說奮迅王汝若問者隨汝心意彼彼所問如是如是我爲汝說令汝心喜奮迅王菩薩言如是世尊願樂欲聞奮迅王菩薩旣蒙聽許心大歡喜白佛言世尊云何諸菩薩摩訶薩大乘奮迅復爲衆生說此大乘以彼奮迅破一切魔一切慢人一切諍人一切分別喜樂見人令住大乘大願滿足戒行成就得阿耨多羅三藐三菩提佛告奮迅王菩薩摩訶薩言善哉善哉奮迅王善哉奮迅王汝今善能問於如來如是之義當善憶念汝奮迅

王諦聽聽善思念之我今爲汝分別解說如菩薩如大乘奮迅復爲衆生說此大乘以彼奮迅破一切魔一切慢人一切分別事樂見人令住大乘大願滿足戒行成就得阿耨多羅三藐三菩提奮迅王菩薩言如是世尊願樂欲聞佛告奮迅王菩薩摩訶薩言奮迅

二
般九

王有四種奮迅何等爲四一者戒奮迅二者通奮迅三者智奮迅四者慧奮迅奮迅王此是菩薩四種奮迅奮迅王何者戒奮迅此善薩戒具足謂不缺戒不穿戒不雜戒不分別戒不悔戒不毀戒不熱戒善護戒智讚戒順道戒成就他法戒護一切法戒喜愛戒不依

一切有道生戒安住奢摩他戒隨順毗婆舍那戒深法解脫戒不退通戒空無相無願戒清淨寂靜戒說佛法僧戒不捨一切衆生戒慈護心戒大悲根戒信清淨戒不分別威儀戒頭陀功德戒福德田戒畢竟淨戒不斷如來種戒護法種戒見聖僧戒善住菩提心戒

六波羅蜜住戒修行念處正勤神足根力菩提八聖道戒生一切菩提分法戒奮迅王菩薩如是戒具足已大願成就彼云何願戒具菩薩劫盡燒時火滿三千大千世界若如是願此火寂滅火即寂滅若欲令水滿此三千大千世界水即充滿欲令華滿即隨意滿欲令寶滿即時滿中一切珍寶又若欲令恒河沙等諸世界中須彌山王彼一切山爲一山者即爲一山奮迅王菩薩如是戒具足已若欲令彼恒河沙等諸世界中所有大海彼一切海爲一海者即爲一海彼住戒力隨心所願皆悉成就一切所念無不隨意奮迅王住

三
般九

戒菩薩如是奮迅若人住戒隨順成就所謂阿耨多羅三藐三菩提奮迅王過去久遠過阿僧祇阿僧祇劫無量大劫不可思議彼時有佛号曰光明無垢光王如來應正遍知明行足善逝世間解無上士調御丈夫天人師佛世尊出現於世奮迅王彼時光明無垢光

王如來法中有一菩薩名金剛齊安住戒力
善清淨戒彼金剛齊阿蘭若處經行精進樂
修聖法欲滿佛法彼金剛齊如是觀察若不
分別一切法者乃得名戒若不喜樂一切物
者乃得名戒若能寂滅一切煩惱乃得名戒
若身鏡像平等知者乃得名戒若於語言響
聲平等乃得名戒若觀心法如幻無異乃得
名戒若善不善二法不二乃得名戒若不淨
觀除滅貪欲乃得名戒若慈悲觀除滅瞋恚
乃得名戒若以智慧滅除愚癡乃得名戒若
不分別貪欲瞋恚乃得名戒若分別見一切
諸法不分別者乃得名戒若非我見非衆生
見亦非命見富伽羅見亦非常見乃得名戒
若一切法不和合行乃得名戒若於一切心
不驚怖乃得名戒若於三界心不依止乃得
名戒若信諸法一切不生乃得名戒若心信
解不生法忍乃得名戒若不慾望財利供養
乃得名戒若不畏空乃得名戒若修無相乃

得名戒若離願求乃得名戒若於戒聚心不
取戒乃得名戒若不自恃戒聚自高陵憐他
人乃得名戒若於諸入不讚歎者乃得名戒
若於境界不行不著乃得名戒若於五陰法
陰平等乃得名戒若於界中法界平等乃得
名戒若不諍訟乃得名戒若不休息一切善
法乃得名戒若畢竟知一切諸法皆悉寂滅
知寂滅已身則正行乃得名戒奮迅王尙時
金剛齊菩薩以如是法住戒成就修行聖法
勤行精進不離正觀魔子名遮見彼比丘以
如是法住戒成就修行聖法勤行精進不離
正觀如是經行將諸軍衆八萬四千一切著
鉢自隱其身到比丘所而求其便經一千年
隨比丘行彼魔如是於一千年而彼比丘無
有一念亂心可得彼魔如是伺其心亂若得
亂心則與障礙怖畏惱亂少時遮魔并其軍
衆經一千年求便不得復自現身皆執刀稍
種種器仗在彼比丘面前怖嚇欲令驚畏彼

般九

四

金剛齊菩薩比丘見魔軍衆手執刀稍種種器仗怖嚇之已即作誓言我今真實於此法中正觀修行清淨戒聚此事若實諸魔眷屬手執刀稍種種器仗一切變爲優鉢羅華鉢頭摩華拘物頭華分陀利華瞻婆迦華蘇摩那華婆師迦華種種華鬘此天魔身一切軍衆如我形色正住威儀奮迅王彼金剛齊菩薩比丘作是誓已一切魔軍所執刀稍種種器仗即時變成種種妙色無量種色雜色華鬘有善妙香見聞心愛可喜殊特一切魔身色相形服如彼比丘一切皆如出家舉動身著袈裟剃除鬚髮自他皆見奮迅王尔時遮魔見彼比丘勝神通已生希有心并諸軍衆禮彼比丘金剛齊足問言大仙汝得何法住神通力能如是耶奮迅王時金剛齊菩薩比丘答遮魔言大仙當知如是法者非有得住以一切法不可得故大仙當知身口意等皆無依止此無依止是我所住以一切法無依

說

五

止住大仙當知如是住者非有相住非無相住如是名住如是住者非有法住無住無處故名爲住尔時遮魔語金剛齊菩薩比丘作如是言我一千年觀汝心行常求汝便而不能得時金剛齊菩薩比丘語言大仙假使汝於恒河沙劫求我心行亦不能得何以放心不在內亦不在外不在中間又復大仙幻人心行汝得不耶魔言比丘不可得也彼幻人者無心無思何處可得菩薩比丘答言大仙如來常說一切說法皆如幻相無心可得無思可得魔言比丘若汝無心無思可得汝云何行若去若來又復云何有所言說菩薩比丘答言大仙如幻人行若來若去有所言說我如是行如是去來如是言說魔言比丘若如是者汝勤精進安住持戒修行聖法如是發行何所憊求比丘答言無發無行無處憊求魔言云何無發無行無處憊求比丘答言如是處者無有人去無有人來無

人當去大仙當知無發無行名為無願又復
大仙若汝問言汝勤精進安住持戒修行聖
法如是發行何所希求如是問者汝今當聽
我此求者非色生求非色滅求非色處求如
是非受非想非行非識生求非識滅求非識
處來至一切法亦非生求亦非滅求亦非處
求大仙當知若彼正處非色所攝如是非受
非想非行非識所攝是我求處我求彼處若
不可見是我求處若彼正處非色所攝如是
非受非想非行非識所攝如是正處是我求
處而我不見彼我求處大仙當知如聖人求
我如是求魔言比丘彼聖人處云何而求善
薩比丘答言大仙若凡夫法若佛法此一切
法平等不二若學法若無學法若佛法此一
切法平等不二若緣覺法若佛法此一切法
平等不二若過去法若未來法若現在法此
一切法平等不二不生平等是故平等不出
平等是故平等不滅平等是故平等若人不

般九

六

捨如是平等彼修平等是故能為衆生說法
大仙當知如是正處我如是求大仙當知如
是正處非欲界處非色界處無色界處若人
如是住平等者如法不動非行不行非他令
行大仙當知此名正處如彼發行一切諸法
如是發行如法界發行一切諸法如是發行
如實際發行一切諸法如是發行若如是求
彼人如是不見行處心不喜樂故名正處余
時遮魔語金剛齊菩薩比丘作如是言此正
修行為何所得比丘答言我此正修得無所
得無無所得平等滿足又汝問言得何法者
若有所得非正修行以離慢故名正修行正
修行者無所得法言正修者則無所修余時
遮魔問金剛齊菩薩比丘作如是言此戒具
足為何所求比丘答言我住此戒為求阿耨
多羅三藐三菩提覺得不滅法得不生法魔
言菩提為何所覺比丘答言色平等覺是菩
提覺受想行識悉平等覺一切諸法悉平等

覺是菩提覺魔言比丘彼菩提者於何處求
答言大仙言菩提者身見中求魔又問言云
何而求比丘答言菩提非起身見非起如求
身見菩提亦爾我如是求爾時遮魔問金剛
齊善薩比丘作如是言汝師是誰何人教汝
如是辯才答言大仙不瞋自身得菩提者彼

般九

七

是我師若不住染不住淨者彼是我師若何
等人識不住常不住無常彼是我師若有人
來從其聞法謂不住法不分別法如是聞已
得度癡海彼是我師若有能知一切諸法非
次第知彼是我師若能遍知一切言語非次
第知而不分別彼是我師若一切法不生不
出轉聖法輪彼是我師若非彼住亦非此住
非中間住彼是我師若說一切諸法不生而
自生者彼是我師若說一切諸法不滅而自
滅者彼是我師我於彼師得如是辯魔言比
丘云何如來轉於法輪比丘答言非是色轉
非色真如非是色法非是色空非色無相非

色無願非色寂靜非是色離非色不生非色
本性非色自體非自體轉非是不轉如是次
第受想行識非轉不轉識如識法識空無相
無願寂靜識離不生本性自體非轉不轉如
來法輪如是而轉一切法輪是則輪轉彼法
輪轉若或不轉無量法界報際不捨彼法輪
轉若人能知於如是人彼輪則轉尔時遮魔
并諸軍衆與金剛齊善薩比丘以爲弟子作
如是言今我等衆歸依仁者彼比丘言勿歸
依我汝當歸依光明無垢光王如來此所說
法是彼佛法彼言去來當共相隨至如來所
時金剛齊善薩比丘即與遮魔八萬四千諸
魔衆俱往詣世尊光明無垢光王佛所到佛
所已頭面禮足合掌向佛住在一面時彼如
來爲彼魔衆說此住戒次第乃至修行聖法而
如法說如是諸魔一切不退阿耨多羅三藐三
菩提奮迅王汝意云何彼金剛齊善薩比丘
豈異人乎莫作異觀何以故汝身即是彼金

剛齊菩薩比丘持地菩薩是彼遮魔奮迅王
此是菩薩戒奮迅王菩薩得是戒奮迅已不
可思議勝願示現成熟無量衆生菩提破壞
魔怨速得阿耨多羅三藐三菩提覺奮迅王
何者菩薩通奮迅云何名爲通奮迅耶奮迅王
教九 王彼有五種何等爲五一者天眼二者天耳

八

三者知他心四者念宿命五者神通奮迅王
何者菩薩天眼通奮迅若有眼根壁所不障
樹木山林須彌輪山世界中山不能作障彼
無障眼能見十方無量無數諸佛世界如一
世界於有物處視若虛空彼此世界皆悉不
障平等一見彼佛世界諸佛世尊諸聲聞衆

之所圍遶一切皆見彼一切佛一佛信解一
切法界不壞修故若見一佛則一切佛皆悉
清淨見一切佛一佛清淨如是若以見佛清
淨自入清淨彼若以是自入清淨則一切法
皆見清淨自見清淨法見清淨二相不取若
彼世尊諸聲聞見佛清淨見諸聲聞則不異

見彼見聲聞即是見佛彼見佛者即見聲聞
若彼無量無邊世界所有衆生衆生所攝若
地獄身若畜生身若餓鬼身若人天身若阿
脩羅若欲界行除無色界彼一切見若退若
生若減若增如是衆生業報皆知彼見衆生
及知業報而實不生衆生之想以知衆生皆
無我故雖知業報無業報想入一切法無業
報故彼人天眼見一切色而於色相不取應
知以一切色皆無體故一切色相知不實故
以一切色本際空故彼人天眼以何因緣能
如是見以智力故能如是見如彼所見亦如
是見隨自心欲一切不見若心希望見一切
教九 色隨心即見非有少色眼所不見彼人則於
無量百千諸衆生中能修禪定解脫三昧三
摩跋提而彼衆生眼所不見何以故如是菩
薩以知真如法無我故彼人希望若色界天
微細之身善妙之身光明之身不相似身現於
彼天示菩薩身能令彼天見菩薩身如是菩

薩見彼天身若欲令天見菩薩身及自見身即能令見若欲令天自見其身不見菩薩彼即自見不見菩薩若欲令天見菩薩身不見自身即見菩薩不見自身奮迅王菩薩成就如是天眼奮迅王何者菩薩天耳通奮迅彼菩薩成就天耳乃至無量無邊世界所有諸聲天聲龍聲夜叉聲乾闥婆聲阿脩羅聲迦樓羅聲緊那羅聲摩睺羅伽人非人聲如是等聲一切皆聞雖聞彼聲不取自相及衆生相不取聲相而知一切音聲之相雖聞音聲於聲聲處信解不實前聲後聲皆悉無聲如是通達彼聲無處無處信解耳根識界則無障礙聞彼聲已知彼聲義何者聲義謂一切聲不可分別不可說者則是聲義寂靜義者一切聲義被菩薩者順行此義聞一切聲不生依止以一切法悉不生故若於十方無數世界於今現在現命現住諸佛世尊彼一切佛有所說法而彼菩薩天耳悉聞無障無礙

不取聲處而聞一切說法音聲聞已受持無所忘失云何不忘若彼菩薩得一句者可得有忘以彼菩薩不得一句是故無忘彼菩薩聞有漏法聞無漏法若聞常法聞無常法聞出聞法出世間法善不善法增法減法若聲聞法若緣覺法若大乘法彼一切法一體一
味如是順行謂聞法已得離欲味聞一切法一切境界不取不著又復聞法一切相中不住不著一切法中隨順而行於非法中不隨順行何者爲法何者非法法名離欲法名無相法名無爲法名無處不可譬喻無塵無得不生不出此名爲法若如是法憶念分別心
教九
十相觀察戲論取捨此名非法奮迅王彼菩薩唯取於義而不取語不爲取語聽法聞法爲取義故是以聽法云何取義若見空義不取不著若無相義不取不著若無願義不取不著是名取義彼若取義而聽於法於所取義不生分別於不分別亦不分別如是菩薩於

諸佛所如是聽法又奮迅王彼菩薩隨順了義修多羅義不隨不了修多羅義彼了義者其義云何以彼一切修多羅義皆是了義修多羅義皆隨順說無異義故一切了義修多羅義不可說故如是了義修多羅義彼隨順行若於了義修多羅義不隨順者則非了義以何因緣非了義耶若不了義修多羅義於彼了義修多羅義不相隨順與彼了義則不相應以何因緣而不相應不隨順故離彼法行所隨順者謂聲隨順如是了義修多羅者非聲隨順何以故以彼了義不可說故彼無處著如是菩薩善知一切不了義法皆如了義奮迅王此義如是隨順了義修多羅義如是隨順一切了義修多羅義又奮迅王彼菩薩從佛出尊聽聞法已唯取於智而不取識何以故以識知故以如幻故不可取故無自體故以無色故不可見故無障礙故若如是知則是智知是故菩薩唯取於智而不取識

般九

十一

識爲他知如是知識於識於智皆不貪著以識真如說智真如奮迅王若菩薩唯取於智不取識者不爲衆生說於識法此天耳通奮迅得已得此智界又奮迅王彼菩薩富伽羅語相應法說唯取於法而不取人何以故奮迅王若實有人衆生畢竟於佛法中不可清淨不可解脫奮迅王若如是者一切諸法畢竟無人佛依世間是故說人而實諸法一切無人如是菩薩唯取於法而不取人奮迅王法名法界此法界者名不生界奮迅王不生界者名不出界奮迅王所言名者以不可說是故名名何以故依彼彼名知彼彼法彼彼法中名不可得若不可得隨人情故強說言語一切言語皆隨俗說若我知語彼是佛語若起意相非是佛語佛語無意以無語故名爲佛語若入佛語彼入非語若入非語彼入佛語若欲入語應入佛語欲入佛語取說人語取說法語若如是取不入佛語何處不二

亦無不二彼是佛語何處有聲及以無聲彼非佛語若不可說非不可說彼是佛語如是奮迅王若菩薩入佛語者彼則名爲得天耳通一切音聲隨順證法得佛菩提奮迅王此是菩薩第二通智所謂天耳又奮迅王菩薩復得他心通智於他衆生他富迦羅知心知

思彼人如是入大衆中而爲說法初如是觀衆會之心何者衆生有何深心何所修行何因何相既觀察已如應說法自心淨故能入一切衆會淨心奮迅王譬如鏡輪以清淨故現如是色若青黃等若形若相彼相似見不增不減鏡輪淨故而彼鏡輪無所分別而示衆像奮迅王菩薩如是自心清淨自法界輪如是相似衆生心行種種異生彼一切知而彼菩薩心亦不壞彼衆會中若人欲行知彼人心知離欲心何以故以心本性無欲染故彼衆會中有瞋癡行知彼人心知離癡心何以故以心本性無瞋癡故若復有人信聲

般九

聞乘彼人心行菩薩能知法界不下若復有人信緣覺乘彼人心行菩薩能知法界不滅彼衆會中若復有人心行大乘彼人心行菩薩能知法界不增知彼衆生心行界已而爲說法然不分別心之本性如應說法令住諸乘於一切界不破壞中一切衆生若干種行皆悉遍知彼菩薩心自心觀察非心相續亦非斷滅然彼菩薩以相續心而能遍知一切衆生心亦如是若界心界如知彼界法界亦尔不一不二如是奮迅王菩薩得是他心通智以得通故則名通人一切天人之所識知又奮迅王菩薩復得宿命通智以三昧根能知過去恒河沙劫自他宿命憶念不忘如是知已然後說法如是憶念我於某處如是名字曾如是生如是命量如是受樂如是受苦自心能知他衆生心知此衆生前因善根知此衆生善根因力知此衆生善根緣力知此衆生聲聞乘因知此衆生緣覺乘因知此衆

生有大乘因知彼衆生前因緣已然後乃爲如是衆生如應說法彼菩薩自知宿命知宿命已後復能知本修具足自知過去於幾佛所種諸善根若彼善根前已願取阿耨多羅三藐三菩提如是憶念諸善根已復更發願彼菩薩念本宿命而於過去一切諸法心不

教九

十三

分別不著不取於前後行心不分別於後前行心不分別於一切法不分別處若去若來菩薩憶念過去出已然於過去不取不著雖知未來然於未來亦不取著知一切法無前無後亦無中間故不分別不取不著彼菩薩如是憶念衆生宿命前後色離菩薩能知如是前後受想行識一切皆離菩薩能知乃至五陰前後中間一切諸法空無自體菩薩能知奮迅王彼菩薩憶宿命已過去所修一切善根皆悉增長過去所作一切業行皆悉盡滅何以故業不朽故是故能知菩薩如是成就彼知於一切行信解如夢譬如夢中見生

見死見苦見樂菩薩信解一切諸行亦復如是既信解已於彼生死不受苦惱復於衆生而生悲心知一切法不起生相又彼菩薩有如是心我於過去世間生死多千劫行知皆無實不貪不著亦如是知一切衆生世間生死虛妄不實不貪不著若其不實彼不實處大大不生大大不實奮迅王彼菩薩憶宿命已實見諸行皆悉無常何以故彼菩薩憶念過去轉輪王樂乃是無常敗壞之法憶念過去去帝釋王樂彼是無常敗壞之法思惟憶念諸佛出尊世界莊嚴聲聞之人功德莊嚴菩薩之人功德莊嚴又復憶念彼佛出尊色身具足如來轉法輪具足彼憶念已則不貪著一切有爲一切所攝皆悉放捨何以故彼菩薩有如是心若彼如是佛世界勝佛色身勝彼亦無常是盡滅法我之所攝亦復如是皆悉無常復作是念諸行如是一切無常而諸衆

生生於常想菩薩如是於衆生中起大悲心
於一切法皆悉捨離如是奮迅王此是菩薩
第四通智彼菩薩成就此智則知一切諸法
無常心生思惟攝取有生成熟衆生雖攝有
生而不貪著菩薩離有而取諸有成熟衆生
又奮迅王何者菩薩神通奮迅奮迅王彼菩

般九
十四

薩心自在故得聖神足謂欲精進寂靜信解
彼菩薩現得神通是有爲行彼人行至於一
念間悉能遍到恒河沙等諸佛世界到彼處
已彼處衆生見菩薩身而菩薩身此處不動
彼處衆生見聞說法然於此處說法不斷奮
迅王此是菩薩神通奮迅以此神通調御衆

生若彼衆生或天或人生常想者示劫盡燒
彼見三千大千世界皆悉燒然而彼世界實
無燒壞若慢衆生手中金剛示其夜叉示金
剛炎令大怖畏彼憍慢者破壞慢心即時向
禮若有衆生信轉輪王彼即爲現輪王形服
而爲說法若有衆生信帝釋王彼即爲現帝

釋王色而爲說法若有衆生信於梵王彼即
爲現梵王形色而爲說法若有衆生信於魔
王彼即爲現魔王形色而爲說法若有衆生
信如來者彼即爲現如來形色而爲說法若
有衆生應見菩薩虛空中住跏趺而坐身出
光明即住空中身放光明而爲說法若有衆

生於大勝事生信解者即示三千大千世界
旛蓋莊嚴旛幢莊嚴幢旛莊嚴鉢蓋真足香
熏等樂百千種樂示如是已然後說法若有
衆生應見三千大千世界合爲一海優鉢羅
華拘物頭華分陁利華遍覆水上於蓮華上
有師子座坐彼座上而說法者彼即示現而

般九
十五

爲說法若有衆生應見菩薩住須彌頂梵聲
說者彼即示現而爲說法若有衆生應不見
身唯聞菩薩大聲說者彼即示現而爲說法
若有衆生應見龍身乾闥婆身菩薩即現歌
相應聲而爲說法若有衆生應見龍輪雷聲
電聲及雨墮者彼即示現而爲說法若有衆

生飢渴疲倦以天飲食具足與之令身飽滿一切樂足乃爲說法若地獄中一一衆生常受大苦以神通力滅地獄火與力令入一切毛根彼得樂已乃爲說法若盲衆生離眼衆生以神通力與其天眼令得眼根乃爲說法若聾衆生離於耳根以神通力令得耳根乃爲說法若有種種病患衆生以神通力爲除衆病令離病已乃爲說法若有衆生臨欲被殺將欲斷命以神通力設諸方便偷劫彼人令不得罪或與財物救贖命已乃爲說法若有衆生身分下劣根闊不具或有小姓怖畏羞慚身心下劣以神通力令其身分一切具足暫時示現令身勝已乃爲說法若有衆生藏中聾瘡生來頑鈍卧在屎尿先爲療治以神通力示寶莊嚴宮殿坐已乃爲說法令其心意智慧生已乃爲說法若有未生已生衆生根未淳熟以神通力令根熟已乃爲說法奮迅王彼時菩薩成就如是神通力已又復

更有不可思議神通說法若有衆生信解日月入法律者以神通力三千大千諸世界中所有日月置手掌中擲過無量無邊世界一切衆生所應度者皆見日月空中而去然其日月本處不動又復能以恒河沙等諸佛世界置一毛頭擲著梵世然後復擲無量無邊世界之外然諸衆生不覺不知若來若去無往返想又被菩薩以一口氣能令無量恒河沙等諸佛世界劫燒火滅又被菩薩一跏趺坐即時令身到恒河沙諸佛世界又被菩薩能以兩手覆日覆月以自光明遍照世界而爲說法奮迅王彼菩薩於如來前跏趺而坐

般九

十六

起心慚望供養如來即時能以須彌山等種種妙華散如來身令一切華映覆如來唯見半身若化三千大千世界一切樹林以爲燈明如前供養隨意即能天若雨時能令見火示現己身一切衆生皆悉遍見隨彼衆生若干信解見何等色或以自身示帝釋身或示

梵身或聲聞身或緣覺身奮迅王此是菩薩神通奮迅所謂天眼見不障礙清淨天耳聞不障礙一切衆生知心行智阿僧祇劫而能憶念一切神通悉能示現名通奮迅奮迅王所言通者云何名通遍見一切諸佛業通知他一切衆生根通勝聲聞乘所有法律勝緣

覺乘法毗尼通大乘律通生退出通於諸衆生淳熟智通正知出行通善方便通布施願通戒忍精進禪慧願通壞魔攝魔善根成就是故名通復次奮迅王菩薩得通他所識知色青等威德名稱力姓種族財衆圍違是故名通復次奮迅王菩薩得通天龍夜叉乾闥婆阿脩羅迦樓羅緊那羅摩睺羅伽人與非人帝釋天王轉輪聖王梵世界主阿羅漢人正遍知者一切皆知是故名通奮迅王此菩薩通菩薩以通不退本願能示他人一切諸法奮迅王何者智奮迅奮迅王智奮迅者所謂陰智界智入智因緣智實諦智奮迅王何

船九

十七

者陰智謂知色空色前際空色後際空色中際空受想行識皆亦如是識前際空識後空故名陰智奮迅王何者界智地界法界水界法界火界法界風界法界何以故以此四界法界一界所謂空界復法界界此非地界亦非水界亦非火界亦非風界何以故不異界法界不二界法界不生界法界不染界法界善淨界法界如法界如我界如衆生界如命界如富俌羅界如生死界如涅槃界彼界欲界彼界色界彼界無色界彼界有爲界彼界無爲界故名涅槃界如若法界智如是色界智不異因緣智故名界智奮迅王何者入智奮迅王眼之本性不生不出無造作者奮迅王如是耳鼻舌身意性不生不出無造作者奮迅王彼眼無主故無見者彼耳無主故無聞者彼鼻無主故無聽者彼舌無主故無知者彼鼻無主故無覺者彼意無主故無知

者奮迅王眼不見色耳不聞聲鼻不覩香舌不嘗味身不覺觸意不知法何以故眼者無覺如草如木如壁如塊如是耳鼻舌身意等一切無覺如草如木如壁如塊奮迅王眼者無染亦無不染如是耳鼻舌身意等一切無染亦無不染何以故以眼本性性離染故如是耳鼻舌身意等本性如是惟離染故奮迅王若一切入如是知已心得離欲故名入智若如是知陰界入等不生不出如是畢竟入涅槃已攝取生退陰界入等知陰界入而亦不捨此智奮迅知陰界入若相若體彼一切捨猶行三界而不染著示現生死而無生死此智奮迅奮迅王何者因緣智無明緣行無明不念我能生行行緣於識行亦不念我能生識識緣名色識亦不念我生名色名色緣六入名色不念我生六入六入緣觸六入不念我能生觸觸緣於受觸亦不念我能生受受緣於愛受亦不念我能生愛愛緣於取愛

般九

亦不念我能生取取緣於有取亦不念我能生有有緣於生有亦不念我能生生緣老死生亦不念我生老死奮迅王菩薩如是觀察因緣則無諸見無有斷見無有常見彼如是知一切諸法皆因緣生彼人如是推求因緣亦不可得彼於因緣得因緣智云何得智因緣不生此二平等如是平等空無相願十二因緣皆悉平等若以平等如是所覺一切諸法因緣平等如是因緣則非因緣彼因緣中無少法生故名因緣若知不生亦是因緣名因緣智明與無明此法不二若知此者名因緣智行與非行此法不二若知此者名因緣智識與非識此法不二若知此者名因緣智名色非名色此法不二若知此者名因緣智六入非六入此法不二若知此者名因緣智如六入非六入不二如是觸非觸不二受非受不二愛非愛不二取非取不二有非有不二生非生不二老死非老死不二若知此

者名因緣智如因緣處如彼因緣皆空無我
如彼因緣不來不去如彼因緣虛妄不實如

彼因緣無取可取如是因緣無行無相若如
是知名因緣智若見因緣不見無明亦不見
行亦不見識不見名色不見六入亦不見觸
亦不見受亦不見愛亦不見取亦不見有亦

不見生不見老死若如是見彼見因緣若見
因緣彼則見法見何者法見離欲法離何等
欲一切法中種種見欲離如是欲故名離欲
彼所見法不增不減如是所見則是真如不
得不染如是所見則是法界不壞不成如是
所見實際不窮如是所見雖見不見如是所
見非肉眼見非天眼見非慧眼見何以故肉
眼不覺以其不覺是故不見天眼有爲以有
爲故不見無爲是故不見慧眼不見以不分
別不分別故亦不能見奮迅王菩薩如是見
一切法則見如來非是色見非受非想非行
非識非相等見非法界見非戒定慧非解脫

見亦非解脫知見法見非過去見非未來見
非現在見若如是見則見如來

十九

奮迅王問經卷上

殷九

奮迅上 方問反下私潤反振疾也奢摩他什法師云一念自在也剗初狀富

伽羅此云數取趣謂數數往來生死也餘譯即云衆生是陵蔑下莫結反正作輕侮也同相寺反刀稍下音朔捨一也塊傾對反察也

奮迅王問經卷下

殷十

爾時奮迅王菩薩白佛言世尊若有法者可
有見法若有見法可見如來佛言有何以故
奮迅王色相不生本性不生如是見色則見
如來如是受想行識之相皆悉不生本性不